



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU SREDNJOŠKOLSKI CENTAR HADŽIĆI

Bosna i Hercegovina
Federacija Bosne i Hercegovine
Kanton Sarajevo
Općina Hadžići
JU „Srednjoškolski centar Hadžići“
Ul. 6. Mart br.19

Na osnovu člana 123 stav. 4. Zakona o srednjem obrazovanju (Službene novine Kantona Sarajevo, broj: 23/17), člana 153. Pravila JU Srednjoškolski centar Hadžići, članova 3. i 11. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), Saglasnosti Ministarstva za obrazovanje, nauku i mlade Kantona Sarajevo, broj: 11-34-14723-13/19 od 30.05.2019.godine, Odluke Školskog odbora broj : 06-49-1795/2019 30.05.2019.godine , Javna Ustanova „Srednjoškolski centar Hadžići“ raspisuje :

JAVNI KONKURS ZA PRIJEM RADNIKA U RADNI ODNOS

- 1) nastavnik/nastavnica latinskog jezika 1 izvršilac, 6 časova nastavne norme sedmično, na određeno vrijeme od okončanja konkursne procedure, a najkasnije do 31.08.2019. godine ;
- 2) nastavnik/nastavnica sporta 1 izvršilac, 13 časova nastavne norme sedmično, na neodređeno vrijeme od okončanja konkursne procedure, a najkasnije do 31.08.2019. godine ;
- 3) nastavnik/nastavnica psihologije 1 izvršilac, 4 časa nastavne norme sedmično, na određeno vrijeme od okončanja konkursne procedure, a najkasnije do 31.08.2019. godine ;
- 4) sekretar škole.....1 izvršilac,puno radno vrijeme(40 sati sedmično) na određeno vrijeme od okončanja konkursne procedure, a najkasnije do 31.08.2019. godine.
- 5) Higijeničar/ higijeničarka....1 izvršilac, puno radno vrijeme (40 sati sedmično), na određeno vrijeme od okončanja konkursne procedure, a najkasnije do 31.08.2019. godine.

Pored općih uslova predviđenih Zakonom o radu, kandidati treba da ispunjavaju i posebne uslove predviđene Zakonom o srednjem obrazovanju Kantona Sarajevo, Revidiranim nastavnim programom za Gimnazije,Revidiranim nastavnim programom za općeobrazovne predmete za srednje škole za stručno obrazovanje i obuku, Nastavnim planom i programom za tehničke i stručne škole, Pedagoškim standardima i normativima za srednje obrazovanje i normativnim aktima Škole, i to za poziciju od: 1-3 završen odgovarajući fakultet - VII stepen stručne spreme odgovarajućeg smjera i zvanaja, odnosno završen najmanje II (drugi) ciklus Bolonjskog studija odgovarajućeg smjera i zvanaja;za poziciju 4 završen Pravni fakultete - VII stepen ili završen najmanje II (drugi) ciklus Bolonjskog studija, Pravni fakultet i sa najmanje 1 godinom rada u struci; za poziciju 5- završena osnovna škola (NK) ili srednja škola (SSS).

Kandidati su dužni dostaviti sljedeću obaveznu dokumentaciju:

- a) svojeručno potpisana pisana prijava na konkurs sa kratkom biografijom, kontakt podacima kandidata , tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diploma/svjedodžba o stečenoj stručnoj spremi ili akademskom zvanju,
- c) izvod iz matične knjige rođenih,
- d) uvjerenje o državljanstvu (ne starije od šest mjeseci), od dana objavljivanja konkursa.

Pored obavezne dokumentacije, kandidati mogu dostaviti dodatnu dokumentaciju i to:

- a) Uvjerenje/potvrda o radnom stažu i uvjerenje sa šifrom zanimanja koje izdaje fond za penzijsko-invalidsko osiguranje i tačno navedeno,
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrda o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/ nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status po osnovu dopunskih prava boraca-branitelja BIH, obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i) potvrdu o autorštvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99). Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje su dostavili urednu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju Odluke o izboru radnika. Nakon konačnosti Odluke o izboru radnika, izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci. Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao Javnim ustanovama na području Kantona Sarajevo („Službene novine Kantona Sarajevo“, broj 35/17).

Tražene dokumente dostaviti lično ili preporučeno na adresu: JU „Srednjoškolski centar Hadžići“ /Prijava za javni konkurs/, ul. 6. Mart br.19, Hadžići, sa naznakom „ Za javni konkurs“ ili predati lično u Sekretarijat škole svaki radni dan od 08,00 do 16,00 sati. Neblagovremene, nepotpune i neuredne prijave neće se razmatrati.

Javni konkurs će biti objavljen u dnevnim novinama „ Oslobođenje“, u petak 31.05.2019. godine i ostaje otvoren 8 (osam) radnih dana od dana objavljivanja (krajnji rok za prijavu je 13.06.2019. godine).

Dokumentacija prijavljenih kandidata koji nisu izabrani po ovome konkursu vraća se na lični zahtjev putem protokola Škole u roku od 15 (petnaest) dana od dana okončanja konkursne procedure.

DIREKTOR
Ejubović Selver, dipl.ing.riša

